

有弗思思之弗得弗措也

朱世錦

不誤用其思者則其得而已夫思思其或誤而貴至一也困知者之善思所爲弗得弗措哉且天下之誤用其思者皆天下之不極其思者也天下之不極其思者卽天下之不遂其思者也抑知思以專而精神明有獨至之用思以永而入困衡有日闢之機專則不紛永則無閒祇此激而益憤之一念日相引於無窮則困知之心也學弗能弗措問弗知弗措則進而論思又豈易言得哉逆有一必得之心而研窮多泛反以爲融澈可期及理有所格此心已域而自封矣無他其念不密也不有一必得之心而探討旣煩遂以爲貫通無自縱理有可伸此心已塞而自阻矣無他其情不殷也是思之所由措也困知者亦惟有弗思斯已耳思之弗得又何可已乎天下惟惟魯者之心爲至拘亦惟惟魯者之心爲至決拘故其思不以廣而荒決故其思不饒默而息也且其思烏可倖得哉聰明穎悟撫躬而俱無可憑猶情此尋繹無盡之心以纏綿往復於其際雖明知後得尙虛而思旣注之則艱難不可以或輟稱太甲者所爲羨王心之一也蓋未謀其思之功已望其思之志矣天下惟遲鈍者之心爲

最○真○亦○惟○遲○鈍○者○之○心○爲○最○苦○真○故○其○思○約○而○益○精○苦○故○其○思○銳○而○能○入○也○且○其○思○豈○能○遽○得○哉○見○聞○疑○殆○累○日○而○猶○鮮○實○獲○獨○恃○此○鑽○研○無○已○之○心○以○探○索○鈎○致○於○其○間○卽○明○知○自○得○未○臻○而○思○務○充○之○則○輟○轉○不○容○以○中○止○頌○成○王○者○所○爲○美○厥○心○之○單○也○蓋○未○獲○其○思○之○效○益○殫○其○思○之○量○矣○吾○人○精○神○之○用○浮○慕○者○每○病○其○多○歧○騁○吾○思○於○弗○思○之○途○必○思○之○未○嘗○一○竟○其○緒○者○也○我○惟○懸○一○得○之○境○以○爲○程○而○名○理○之○精○愈○扞○格○而○愈○不○能○釋○兼○營○者○於○彼○杜○其○擾○斯○獨○注○者○於○此○極○其○深○竭○慮○殫○精○不○窮○其○思○之○所○至○此○心○未○敢○稍○安○也○不○泛○爲○思○以○專○其○思○所○由○神○凝○於○不○紛○也○哉○吾○學○體○驗○之○功○躁○進○者○恒○虞○其○易○倦○勞○吾○思○於○弗○思○之○故○必○思○之○自○謂○捷○收○其○效○者○也○我○惟○設○一○弗○得○之○象○以○自○勵○而○艱○深○之○致○愈○抑○鬱○而○愈○不○能○忘○粗○涉○之○而○離○者○若○合○精○求○之○而○合○者○仍○離○苦○心○孤○詣○卽○窮○其○思○之○所○至○此○願○終○身○自○慰○也○不○煩○於○思○以○永○其○思○所○由○志○貞○於○無○閒○也○哉○弗○措○也○此○之○謂○思○誠○

思精筆銳力透題堅非揣摩時調者所能望其項背

有弗思思之弗得弗措也

許繼成

論困知之思惟期其得而已夫人莫不知思然思而不得亦與不思等耳困知之思豈以弗得措哉且學者於善使徒恃旦暮之功不用心以探索之則其術疏然稍事探索之力不潛心以實獲之則其術尤疏惟以有用之精神既不施於無益之地斯挾全力之研悅直相尋於無盡之程而後知其不用心者特其未嘗潛心者也學弗能問弗知既弗措已至於思豈不期於得哉夫世之言思者臣知之矣一事也而有與心相凝之故亦就所學而推求之乃獲一說而其義精復獲一說而其義猶粗求之而理有所格則姑闕之矣夫闕則何貴有思也一理也而有與心相信之故亦因所問而紬繹之乃質一人而其意異更質一人而其意又異繹之而慮有所窮則或聞之矣夫聞則何賴有思也是皆思之弗得而措者也曾困知者而若此乎一人之身精力無幾安能日事冥悟特未啓其端則神明亦退處於靜而未見其縱心孤往之情萬彙之故變化無窮豈必盡費推尋使不壹其志其淵衷亦幾苦於煩而莫竟其極深研幾之用困知者惟知有思而已困知之思惟知有得而已有弗思則已耳

其思焉者皆其得焉者也。其措焉者亦皆其得焉者也。吾且卽困知之思以究其用。思之功。意以窒而用吾思。使偶用之而意仍窒。不將終窒矣乎。困知者知其然也。寸衷苟無專注斯尙寂然者耳。一旦殫心於學問之域。善有全體。思尤必究其偏。善有常經。思尤必窮其變。從方寸輾轉之下。以想其精專得之念。相須甚殷。卽思之力有加無已。蓋必至拳拳服膺之後而庶可言釋念者也。不然而究圖不且益迫也哉。道以隱而勤吾思。使始勤焉而道仍隱。豈遂終隱矣乎。困知者知其然也。宥密苟無縈迴。斯猶冥然者耳。一旦致力於學問之途。善要於至。是思必不以故智自封。善極於至微。思必不以艱深自阻。從中懷固結之餘。以擬其懇至得之情。切於寤寐。卽思之功形於寢興。蓋非至渺渺通神之候而斷無有滿志者也不然而作輟何敢自安也哉。弗得而措也。弗措手然則困知者亦特恐其弗思耳。豈遽大遠於學知之慎思乎哉。

朗暢 不脫上三字具見手法

其爲物不貳則其生物不測

羅芬

以誠生物於其爲物決之矣。蓋惟不貳故誠惟誠故不息。明乎天地之爲物而其生物之不測。豈俟煩言而解哉。且生物者天地而生。天地者誠不明乎所以相生之原。遂疑天地亦局於物之內。而天地之道幾晦而卒未嘗晦也。天地之生以誠立其體。天地之所生卽以誠神其用。其散之萬殊其操之一本。而凡古今來生機之不息。總恃此生理之常貞已矣。不然論道而至於天地亦就得而測之者。而吾謂可一言而盡何哉。蓋誠有見乎其爲物耳。凡物之形不能離神而自立。天地之亘古不敝者。特一耳。然而形不虛附必有主宰乎。形者或得以動。或得以靜。欲分之而不容分。則天地一誠之所綱維也。凡物之氣莫不載理以俱行。天地之循環無端者亦氣耳。然而氣不自充必有運量乎。氣者或見爲易。或見爲簡。欲雜之而莫能雜。則天地一誠之所流露也。夫亦曰不貳而已矣。且夫不貳之理固卽不息之誠所由立。亦卽好生之德所由形。以斯理之貫徹靡遺也。分陰分陽何嘗自矜其美利。然而元焉亨焉。誠以之而通矣。誠通則生生之意由專一面得。翕聚由翕聚而得。充周而綢繆化醇直莫

尋其朕兆。以斯理之彌綸罔間也。爲健爲順。何嘗故示其神奇。然而利焉貞焉。誠以之而復矣。誠復則生生之氣。由直遂而得。句萌由句萌而得。茂達卽日新富有直莫識其由來。吾見其生物矣。且生物不測矣。平陂往復之機。迭運於宇宙。雖天地不能俾之有伸而無屈。要其不息之誠。有綿之者矣。消與長。每相因故剝。卽所以爲復始。與終無稍間。故變仍不失其常。總此不貳者。所與爲敷施而風霜可補雨露之恩。亦寒暑可泯陰陽之憾。清濁厚薄之稟。雜賦於兩間。雖天地不能使之有全而無偏。要其不息之誠。有渾之者矣。性原於各正。故因材而不爽其施德。普於無私。故並育而皆得其所。祇此不貳者。所與爲鼓舞而大造不露裁成之迹。亦化工不居神妙之名。吾由是而益穆然於天地之道矣。

明白曉暢理境題亦不易得

近之則不厭

彭錦才

更卽近以徵寡過之實、其愜夫人心者至矣。夫不厭於近、猶之有望於遠也。君子之寡過、不又於近徵之哉。且王者宅中圖治、固非徒以邦畿爲起化之原也。而要其愛戴之心、必自孔邇之地、以驗厥興情。蓋皇躬之懋修、先著於風聲之樹、而寤寐之浹洽、常得諸親炙之餘。則化所由起、卽過所由泯。而其格被之情、遂有以固結於人心而不可解。世道世法、世則君子之操三重、以寡過者、旣徵之遠、有望矣。今夫布化必周、夫宇內仰文物者、固以遠爲推、而敷治必本於家邦、深愛慕者、則以近爲始。受塵而隸熙朝耳濡目染、早有以則主上之儀型、非若遠者、僅得諸想像也。乃式金式玉、昭其度如綸、如緯、重其音契、慕有真情、疇勿厪尋繹無窮之想、扶杖而觀象、魏戶祝衢、謳皆有以探九重之韻、豈亦非若遠者、尙阻於見聞也。乃體以乾而行、有恒申以巽而言、有物感孚、有至意、誰勿深纏綿不盡之思、其不厭也近之則又有然矣。人情於是訓是行之端、惟身受者、其情形最悉、朝廷措施數大政、而稍參以一念之僞、則雖張皇治具、而咫尺天威者、已羣疑爲愚我之術。此以知托庇宇下、未易以粉飾饜

其心也。人情於習見習聞之故。惟日親者其者。駭彌真。人主屬精數十載。而或倦於一旦之勤。則雖素沐恩施而瞻依輦轂者。且漸懈其媚茲之忱。此以知觀象境內。固當以漸摩繫其志也。然後知近者之懷德實較遠者爲倍難也。從古英武之辟異域。懾服其聲靈而密邇京畿。偏不能弭庶人之謗。無他。以其近而常忽也。寡過之民。其敢出此乎耳。目處難欺之地。觀光久而志氣自通。聲教有先暨之區。被澤深而謳思漸洽。瞻大廷而思翊戴。要必有貞不泄之神。以相孚於無間者。而何有厭薄之意也哉。然後知近者之服教實視遠者而更篤也。自來首出之君。天下未覩其丰采而泳游南國。早共仰官禮之精。無他。以其近而愈親也。寡過之民。其就未然乎。道足以正民俗。事雖習而光采常新。德足以恆民心。味雖淡而旨趣彌永。望堂廉而動繹思。要必有矢不諱之志。以相喻於至善者。而安有厭敷之情也哉。此王者本身之道。所有寡過於天下也夫。

詞旨諧適

君子之所不可及者其唯人之所不見乎

胡 摺

密其功於不見君子所由卓然異矣夫人之不見人所易忽也豈知不可及之君子
早於此密其功乎且人之異乎君子者第於其見之君子異之亦未思夫得失之故
君子固與人同處此一境而初無以異也惟於一念甫動之初時切其失莫挽之懼
則其異於人者固甚相懸而其所以異於人者正自無多矣內省不疚無惡於志君
子誠不可及矣然君子何以不可及哉事幾紛投之會聖賢謹焉常人亦未遽忽焉
然嚴於衆著者未必不疏於獨覺衡君子者所當於一物未交之始觀其深舉動差
謬之端醇儒聽焉庸流亦未敢縱焉顧惕於事後者未必能謹於事前觀君子者所
貴於有感乍通之交察其隱君子之所不可及者非有他也其唯人之所不見乎朕
兆未萌渾然者兩無形耳意之初動而出此入彼已各處於日歧之勢是人之所不
見其境爲甚寬也乃人樂其寬而貽悔於異日者君子獨畏其寬而致謹於當幾方
寸中之誠僞一若有稍縱卽逝者時切其糾虔故人各有所不見而君子正於此分
焉其所以分者固始於未分之先矣趨向既定一往者不復返耳念之偶萌而毫釐

千里常有不可深恃之形。是人之所不見。其時又甚迫也。乃人苦其迫。而因以自安者。君子轉幸其迫。而藉以自惕。隱微內之欺慊。又若有一發莫遏者。時深其顧慮。故人皆有所不見。而君子獨從此遠焉。其所由遠者。要不在既遠之後矣。蓋人生百年之業。所爭祇此須臾。境已遷。而思所以持之。其勢常處於不及。君子則有力爭於先者焉。行著習察。猶可從容以竟其功。而不見之時。並無一息寬閒之候。倘辦之不早。在君子正大可危耳。古今聖狂之介。所分惟在幾希。幾已發而謀。所以制之。其力亦無所可用。君子則有密防於微者焉。富有日新。不過擴充以全其量。而不見之地。實判畢生踴躍之途。使過此以往。卽君子亦復猶人耳。人其以君子爲法可也。

切實發揮後二比尤爲透闢

君子之所不可及者其唯人之所不見乎

王光曾

君子有過人之實惟慎人之所忽而已夫不見人所忽也唯君子能慎之而人莫及之矣非是而何不可及之有且吾觀世人之然於見者蓋亦甚忽乎君子者也謂彼何不可及哉彼於人所共見者不過如是焉而已苟吾於人所共見者而亦能兢兢致力焉安在彼不以吾爲可及也噫天下之民君子固已寡矣夫君子非不疚無惡者乎吾見夫人之未能不疚也釋疚而疚愈滋也而誰其及之者吾見夫人之未能無惡也去惡而惡愈甚也而誰其及之者不知君子之所不可及者內省故也內省者省於人之所不見也今夫人莫有所不見之地乃以爲隱也而不妨姑肆吾欲焉欲之稍肆斯不勝其異日之悔矣若以君子而視人則固少此一悔也人莫有所不見之時乃以爲微也而不妨稍寬吾意焉意之偶寬遂不復有自得之快矣若以君子而視人則又多此一快也然後知勢旣成而始悟者愚也幾已發而始挽者拙也游移於天人之界而察之不精則後將無及也交戰於公私之間而閑之不力則往不可追也唯爲君子者不以不見爲隱而以不見爲莫見乎隱以密持於天

人俯仰之交不以不見爲微而以不見爲莫顯乎微以漸幾於美大聖神之域假令君子而一旦忘其下學之功伸節於昭昭隱行於冥冥則君子亦猶人耳安見人疏而君子獨密也假令斯人而一旦返其爲人之念獨言而恐人聞獨行而恐人見則人皆爲君子矣安見人後而君子獨先也然則君子之不可及非有他也君子之所不可及者其惟人之所不見乎

憂憂獨造筆意迥不猶人

此言君子慎獨之事吃緊神理在數虛字若第敷衍慎獨陳言殊失語氣文認題獨真故無浮煙浪墨繞其筆端

未可也諸大夫皆曰賢

祝受采

慎先見於左右者賢又稱於諸臣矣蓋不可左右之言者以進賢之慎必自左右始也然諸大夫不又皆曰賢乎是可由左右而推論之今使聰明先蔽於至近則奇傑必淪於下察自來宜豎植黨盈庭所以多唯諾之風也惟防微杜漸近習不敢收延攬之權斯推賢讓能同官亦自有薦剡之雅上致謹於所素狎下交推於所素知卽拒之已嚴而宏獎之懷正不妨如出一轍矣左右皆曰賢夫左右以位則非若三事之尊也以地又非若百爾之疏也斯亦可諒其無他矣然而國君要不致不慎也是非故峻丰裁示左右以不測也人主深居法宮意旨未遽喻於外臣而朝夕之相親每習用其逢迎之術使輕有所可恐伏處衡茅者或藉闥豎以爲援則先入固未可主也抑非過事猜疑謂左右盡不肖也賢豪名動一時侍御亦時採夫廷議而一言之偶中已潛生其僥倖之心使遽以爲可恐服役宮闈者得竊威權以自重則偏任固未可訓也嗚其未可而左右應不復進賢矣然明其未可而進賢者又不僅左右矣人倫藻鑑之明原難望於嬖倖昵親近而漫爲嘉許卽使簡拔不虛且使天下有

輕量朝廷之志。惟定爲未可。旣不許其市恩。復無患其樹黨。而嘉與不苟。亦可知。砥行礪節。斷不結宦寺之綢繆。盛世明揚之典。要不廢夫咨詢秉鈞。軸而引援。後進方其公忠自矢。亦知我后有愛惜名器之思。而念切進賢。旣占茅茹之慶。復幸蘭臭之同。斯稱道弗衰。又早覺忘分薦賢。初非作仕途之標榜。有諸大夫焉。不又嘗皆曰賢乎。且夫立品貴有真耳。以賢而慶之諸大夫。則令聞之昭著。必有克副其實者矣。夫任人公正之朝。攀援久絕。夫私徑茲之一庭。交贊者固自不阿所好也。則當其入告我后。已不勝其吐哺握髮之思。且夫稱人貴不誣耳。以諸大夫而稱其賢。則同朝之結契。必有相孚於素者矣。夫主德清明之日。儆惕時切於臣衷。茲之衆口交推者。固自量而後入也。則當其敬陳於主。宛欲付以子孫黎民之託。是諸大夫豈不聞向之未可於左右者。如此其慎。而藉藉無異詞耶。吾知諸大夫雖異於左右。而國君於此。仍不敢遽可焉。蓋始終一如不得已之心也。

藻密慮周。愜心當貴。

未可也諸大夫皆曰賢

王成柄

不惑於左右者賢又見稱於諸大夫焉夫進賢而不敢輕有所可者亦以其爲左右耳然皆曰賢者豈獨左右哉是當卽諸大夫而更論之且人主之所最難辨者莫如近習之言而人主之所必交咨者莫外臣鄰之贊自來明盛之朝內廷無私謁之嫌而同朝有公忠之矢其所爲杜漸防微而不惑於耳目之近者亦未始非負奇抱異而交推於師濟之班者也皆曰賢者乃爲左右哉旣不若置諸左右者之朝夕納誨又不若左右厥辟者之推賢讓能而顧以其所賢者進而與吾諸大夫共廁班聯焉烏乎可使以爲可是朝廷之遴選有待於私昵之薦揚也左右雖寡交遊安知不比附外廷以陰伺其隙卽令所賢真可而人材之輕進恐反以僥倖貽士類之羞也則燕私之地宜嚴也使以爲可是國家之爵位不免爲嬖倖所竊持也左右非盡不肖安知不市權諸臣以自張其威卽令所可皆賢而主志之潛移恐好以夤緣階朋黨之患也則覬覦之端宜絕也未可也進賢而惟左右之言是用哉而以言進賢者又豈獨左右哉人主嚙笑之微風旨先見於宜賢而外廷之議論恒卽準以爲歸使宮

聞○內○外○不○稍○假○以○事○權○而○百○爾○臣○工○之○職○在○進○賢○者○或○因○是○而○過○為○慎○重○則○拒○一○左○
右○而○其○言○之○無○異○於○左○右○者○其○卽○以○左○右○為○鑒○焉○可○知○也○賢○士○砥○礪○之○操○進○身○恥○階○
於○近○倖○而○公○朝○之○推○獎○則○常○引○以○為○榮○况○登○崇○俊○良○業○已○杜○其○私○徑○而○嚴○居○穴○處○之○
待○於○咨○訪○者○或○因○是○而○無○難○識○別○則○失○之○左○右○而○其○言○之○不○同○於○左○右○者○其○不○以○左○
右○為○例○焉○可○知○也○有○諸○大○夫○焉○不○又○皆○曰○賢○乎○以○諸○大○夫○望○隆○朝○野○皆○君○所○平○日○簡○
拔○之○人○則○汲○引○人○才○本○交○孚○之○有○素○非○若○左○右○之○各○殊○氣○類○也○向○也○擯○斥○是○加○謂○名○
賢○之○物○色○非○所○望○於○左○右○耳○豈○意○諸○大○夫○亦○復○宏○獎○風○流○乃○爾○乎○雖○明○知○名○器○之○未○
可○濫○邀○而○推○轂○情○殷○藉○藉○者○盈○朝○右○矣○以○諸○大○夫○位○列○浚○明○要○自○有○以○人○事○君○之○責○
則○引○援○後○進○亦○職○分○所○當○然○非○若○左○右○之○第○供○趨○走○也○向○也○疑○信○參○半○謂○英○賢○之○進○
退○原○無○與○於○左○右○耳○豈○意○諸○大○夫○亦○復○慙○慙○下○士○若○是○乎○雖○明○知○意○旨○之○未○可○窺○伺○
而○盈○廷○交○贊○嘖○嘖○者○無○異○詞○矣○國○君○於○此○仍○存○如○不○得○已○之○心○不○幾○以○待○左○右○者○待○
諸○大○夫○乎○然○而○究○不○敢○可○其○所○未○可○也○

法密思精中二比尤有情致